



SESOTHO – My Soul thirsts

MOEA OA KA O NYORILOE



“Joaleka khama ha e tsetselela metsi a molatsoana, ho joalo le moea oa ka, o tsetselela uena, Molimo! Moea oa ka o nyeretsoe Molimo, Molimo o utloang.” *Lipesalema 42:1, 2.*

Mantsoe ana a Mopesalema a ama motho e mong le e mong. Molimo o re entse moea, kelello lo 'mele. Ka tsela e ntseng a tsoana le ea hore 'mele ea rona e lapela lijo le lino, le meea ea rona e nyoreloa Molimo joalo, Molimo o utloang. Haeba re sa fepe 'mele ea rona kapa 'mele ea rona e sa fumane metsi, re shoa hape re ka lula haeba re e fa lijo tse sa lokelang. Ho joale le ka meea ea rona hobane motho ha a phele ka bohobe feela empa a ka phela le ka lipolelo tshohle tse tsoang ho Molimo. Jesu o ile a re: “Ke 'na bohobe ba bophelo, ea tlang ho 'na a ke ke a lapa, 'me ea lumeland ho 'na a ke ke a nyoroa le ka mohla o le mong. Bohobe ba Molimo ke bo theohileng leholimong, bo nehang lefatše bophelo.” *Johanne 6:32, 35.* “Ka 'nete-nete ke re ho lona: Ea lumelang ho 'na o na le bophelo bo sa feleng. Ke 'na bohobe ba bophelo. Ke bona bohobe bo theohang leholimong. E ka re ha motho a e-ja bohobe bona, o tla phela kamehla.” *Johanne 6:47, 48, 51.*

Jesu o ile a re ho mosali oa Samaria hoja o ne a tsebile neho ea Molimo, a ka be a kopile ho Eena, 'me o ne a tla mo fa metsi a bophelo ho noa. O ile a mo

bolella hape hore e mong le e mong ea ka noang metsing ao a ka mo fang 'ona, a ke ke a hlola a nyoroa, empa metsi ao a tla fetoha seliba se kollelang bophelong bo sa feleng. *Johanne 4:10-14.*

Jesu, e leng Lentsoe la Molimo, le ileng la fetoha nama 'me la ba la aha har'a rona, ke Eena feela bohobe ba bophelo bo khotsofatsang 'me ke Eena feela ea ka fanang ka metsi a ka timang lenyora la meea ea rona. Ha ho letho lefatšeng lena le ka tsebang ho fana ka bophelo bo sa feleng 'me bo khotsofatsang ka ho sa feleng. Hase chelete, thabo, basali, banna, setumo, tlotla, lino, mehobelo (litantši), koae, meriana, leha e le ntho efe le efe e ka khotsofatsang kapa ea kokobetsa lenyora la moea ho rona-moea o sa shoeng. Monna oa morui, eo Jesu a kileng a bua ka eena, o ne a e-na le lintho tse na tshohle, empa qetellong ha a se a e-ea liheleng o ile a utloa bohloko ke lenyora le bohloko le sa feleng, 'me o ile a lakatsa e ka Lazaro, a ka ina ntlha feela ea monoana metsing a kolobise leleme la hae le neng le e-cha, hobane o ne a hlokoatsoa malakabeng a liheleng tse sa feleng - empa Lazaro o ne a ke ke a tseba ho mo thusa.

Oho hle, motsoalle oa ka, khaotsa ho fepa moea oa hao ka lintho tsa lefeela tsa lefatše lena. Ke lintho tse u thetsang. Li iketsa e ka lia u khotsofatsa empa li u siela lenyora le fetisisang le tlala e fetsisisang, ho feta pele.

“Joaleka motho ea lapileng ha a ka lora a e-ja, 'me eare ha a tsoha borokong, a utloe mala a hae a le feela, kapa joaloka motho ea nyoriloeng ha a lora a e-noa, empa ha a tshohle, a utloe hoba o tepeletse le moea oa hae o khathetse ke lenyora.” *Easia 29:8.*

Haeba u sa fepe moea oa hao ka bohobe ba bophelo 'me o sa o noese metsi a bophelo a ho Krete Jesu, o tla shoa. Thabo ea sebe ha e na lijo tsa moea. Molimo o re entse oa etsa hore motho e be moea o phelang. Ke Molimo feela o ka khotsofatsang meea e hlirileng le e nyoriloeng. Meea ea rona e lla ho Molimo, Molimo o utloang, hore o e khotsofatse.

Haeba re sa lumelle meea ea rona ho fumana khotsofalo, re tla timela e be re utloa bohloko ke lenyora le sa feleng le tlala malakabeng a sa timeng a lihele.

Jesu o theohile a e-tsoa leholimong 'me a tlela ho tla fepa meea ea rona ka Eena e le bohobe bo phelang, le ho nyorolla meea e nyoriloeng ka metsi a phelang. Ka tsela e tšoanang joaloka ha u e-ja bohobe bo kena 'meleng oa hao, nka Jesu joalo a kene pelong ea hao e be u noa ho Moea o Halalelang oo Jesu a ileng a o romela lefatšeng lena hore e be seliba sa bophelo ka ho uena, ho u bonetsa le ho u fa matla e be o u etella pele 'neteng eohle.

Jesu o itse, "E mong le e mong ea jang nama ea

BOHATO BA PELE HO EA LEHOLIMONG

Molimo o re file tsela ea 'nete e lebang leholimong. E ka khona re nke tsela eo Molimo o re lokiselitseng eona. Lere e isang leholimong e na le mehato e mangata. Re qoholla o le mong ho ea bohlokoa.

Bohato ba pele bo isang ho Molimo ke "Pako sebeng." Johanne Mokolobetsi o ile a ruta a re: "BAKANG, hobane 'Musu oa leholimo o atametse." *Matt. 4:17*. Baapostola ba ile ba bolella batho hore ba bake. Petrose o ile a re: "BAKANG 'me e mong le e mong a kolobetsoe." *Liketso 2:38*. "BAKANG ke hona, 'me le sokolohe libe tsa lona li tle li hlakoloe." Hlo u BAKE bolotsaneng bona ba hao, 'me u rapele Molimo; ekaba mohlomong u ka tšoareloa khopolo eo ea pelo ea hao. "Molimo ha o se o lesitse litšiu tseo tsa ho se tsebe hore li fete, joale, o bolella batho bohle naheng tsohle, hore ba BAKE." *Liketso 3:19; 8:22; 17:30*. Likerekeng tse neng li koenihile, Jesu, hlooho ea Kereke o itse: "Hopola hle moo u oeleng 'me u BAKE; u bake; ha ho se joalo ke tla phakisa ke tle ho uena, ke loane le bona ka sabole ea molomo oa ka. Bohle bao ke ba ratang kea ba laea 'me kea ba khalemela, hlokomela 'me u BAKE." *Tšenolo 2:5; 16, 21, 22*.

Ho BAKA ke ho bolela ho retelehela ho Molimo ka ho furalla bophelo ba khale ba sebe le menyaka ea lefatše lena, ho latela Jesu le ho etsa thato ea Molimo. *Liketso 11:21; 14:15; 17:30*. PAKO ke ntho e amang baetsalibe bohle le batho ba sa lumelang, le bohle bao e leng Bakreste feela ka lebitso 'me ba ntse ba phela sebeng 'me ba shoele meeng. Ha ba BAKE libeng tsa bona. *2 Ba-Korinthe 12:21*.

PAKO e etsa hore motho a furalle sebe, a lahle melimo ea hohata le boloi, botaoa, bohlola, ho utsoa le ho bolela mashano le lintho tsohle tse litšila. "KHUTLANG le sokolohe litlolong tsohle tsa lona, hore bokhopo bo se ke ba le kothometsa." *Ezekiele 18:30-32*.

PAKO ke khoro e isang polokong. *Matt. 3:2; Liketso 2:37, 38*.

PAKO ke masoabi a borapeli sebakeng sa sebe. *Matt. 26:75; 2 Ba-Kor. 7:10*.

PAKO ke ho furalla sebe. *Jobo 34:32*.

ka 'me a e-noa mali a ka, o na le bophelo bo sa feleng, 'me ke tla mo tsoa ka letsatsi la bofelo. Hobane nama ea ka ke sejo ka 'nete, 'me mali a ka ke seno ka 'nete. Ea jang nama ea ka, le ho noa mali a ka, o lula ho 'na le 'na ho eena. Bohobe bo theohileng leholimong ke bona bona, ea jang bohobe bona, o tla phela ka ho sa feleng." *Johanne 6:58*.

Amohela Jesu, mpho ea Molimo joale, e leng Eena feela ea ka khotsofatsang ka ho tla tlang ea moea.

PAKO ke ho ipolela libe. *Luka 15:21, Liproverbia 28:13*.

PAKO KE BOINEHELO BA 'NETE HO MOLIMO. *Liketso 9:6*.

PAKO ke ho etsa poelano. *Luka 19:8*.

Moea o Halalelang o hlokoatsa sebe o etse thuso ho fihlela pako. *Johanne 16:8*.

BA BANG BA SENG BA BAKILE

Morena Davida o ile a baka 'me a tšoareloa. *Lipesalema 51:1-11*.

Daniele o ile a baka sebakeng sa sechaba sa habo 'me Molimo oa mo utloa. *Daniele 9:3-11*. Morena le sechaba sa Ninive ba ile ba baka, 'me motse ohle oa pholoso. *Jonase 3:5-10*. Ngoana ea lehlasoa o ile a baka 'me o ile a amohela ke nta'ae. *Luka 15:21*. Petrose Moapolstola o ile a baka 'me a busetsoa boemong ba hae. *Matt. 26:75*. Saule o ile a baka a fetoha Pauluse Moapostola ea matla ka ho fetisisa. *Liketso 9:1-22*.

PAKO EA BOHATA

Batho ba bang ba ea sokoloha empa pako ea bona e se ke e e-ba ea 'nete. Adama o ile a beha molato ho Eva 'me Eva a beha molato ho Noha sebakeng sa sebe sa bona. Morena Faro o ile a baka feela hore a phonyohe kahlolo ea Molimo, empa pako ea hae e ne e se ea 'nete. *Exoda 9:27; 10:16*. Balame Moprofeta o ile a baka empa a 'na a tsoela pele ka bokhopo litseleng tsa hae. *Numere 22:34*. Morena Saule o ile a baka empa a batla ho neoa hlomphe leha a sokolohile joalo 'me ha a ka a supa tšabo eo e hlokalang ea 'nete sebakeng sa libe tsa hae. *1 Samuele 15:30*. O ile a baka lekhetlo la bobeli empa ha se ke ha e-ba le litholoana tsa letho tsa pako ea hae. *1 Samuele 26:21*. Judas Isikariota o ile a baka ka tsela ea bohata, o ile a baka ka tsela ea bohata, o ile a bolela libe tsa hae ho baprista ba baholo ba bohata sebakeng sa ho ipolela ho Jesu e leng eena ea mo ekileng. *Matt. 27:3, 4*.

E ka khona re bake 'me re bolele libe tsa rona ho eo re mo sitetsoeng. Ngoana ea lehlasoa o ile a supa pako ea 'nete o ile a tsoha a siea mohlape oa likolobe le monghali oa hae ea khopo eaba o toba ho nta'ae

'me a fihla a re: "Ntate, ke SITETSOE Leholimo (Molimo) le uena, 'me he ke sa loketse ho bitsoa mora oa hao." *Luka 15:11-24*. Ha a ka a beha molato ho motho e mong empa a ipeha molato, leha ho le joalo o ne a e-na le tumelo ho utat'ae hore o lokile ebile o lerato ho mo amohela.

PAKO EA 'NETE.

Pako ea 'nete e tsejoa ka litholoana tsa eona le ka mesebetsi. Litholoana le mesebetsi ea tumelo ea ipontša ka nako eo moetsalibe a furallang libe tsa hae e le ka 'nete a bontša soabo ea 'nete litseleng tsa hae tse khopo. Lesholu le ee le busetse tseo le li utsoitseng ho eo e leng mong'a tsona moo e-bang hoo ho ka etsahala. Letaoa le arohana le lino tsa lona tse tahang. Ea tšepang melimo ea bohato le boloi o tla chesa lintho tseo tsa bohata. Monna ea neng a hloka botšepahi bo lokelang, lelapeng la hae, e be o furalla lintho tseo tsa ho hloka 'nete. Zakea, eo e neng e le molekhetso, o ile a amohela Jesu lapeng ha hae, 'me a re, "Bona, Morena, karolo ea leroo la ka ke e arolela mafutsana, ka lehare 'me ha ke amohile motho ntho e 'ngoe ka thetso, ke busetsa ho eena tse 'ne." *Luka 19:8*.

Mongoli oa litaba tsena o tseba makholo a itseng a baetsalibe, bao eitseng hore ba kope tšoarello ho Molimo, ba ileng ba busetsa lintho tseo ba neng ba li utsoitse kapa ba li fumane ka phoso ho beng ba tsona lichelete, liaparo, lifanishare, lintho tsa ho betla mapolanka, likhomo, lithipa, li ile tsa busetsoa, 'me likeae, likarete, li ile tsa chesoa le litlhare le meriana e mebe, litaola, libistolo joalo-joalo ke lintho tse ileng tsa falatsoa. Ba bangata ba ile ba kopa tšoarello ho bao ba ba sitetsoeng 'me ba fumana khotso. Ka ketso ena le batho bao ba utsoelitsoeng ba bang ba be ba fumane pako le poloko.

Se ke ua lieha, tsoela pele ho oa ka mangole hona joale e be u tšollela meroalo ea pelo ea hao ka pako ho Molimo. Hantle ho latela tšepiso ea oona otlalokola libe tsa hao e be o u fa khotso le bophelo bo sa feleng.

BOIKAKETSI

Boikaketsi ke borapeli bo sa lumellaneng le borapeli ba 'nete, ho ba le sebopelo se kang sa borapeli empa ha e le hantle ba latola matla a bona. Moikaketsi ke motho ea lehang ho iketsa seo a seng sona, ea ipehang 'mala oo e seng oa hae. *2 Timothea 3:5; Matt. 23:13, 14*. O iketsa e ka ke motho ea halalelang empa a phela sebeng se ipatileng. O etsa mesebetsi e metle hore a bonoe ke batho le hore a rorisoe ke bona. O beile oache ea borapeli hore e koahele libe tsa hae tse ngata. Jesu o tšoants'a baikaketsi le mabitla a entsoeng bosoeu 'me a bonahala a le matle kantle empa a bolile a nkha kahare. Boikaketsi bona ke ntho e amanang le

ponahalo e kantle ea bohloeki ho feta bohloeki bo kahare.

Moikaketsi o hlile o angoa haholo ke bokantle hore e ke bo hloekile ho feta bohloeki bo kahare. Moikaketsi o rapela Molimo feela ha a le nakong ea matšoenyeho, a kula kapa a le tsietsing, kapa ha a le bohloking ba ho hong, empa ha Molimo o mo thusitse 'me khathatso ea hae e fetile, ha a etse letho ka Molimo, ha a na nako ea selekane ebile o khaotsa ho rapela. O tšoana le Faro ea ileng a rapela Moshe a ipolela libe tsa hae le libe tsa sechaba sa habo ka nako eo lihoano li neng li aparetse Egepeti, empa hang ho ba lihoano li khaotse batho ba hae ba thathafatsa lipelo tsa bona. *Exoda 9:27-34; 10:16-20*. Moikaketsi oa ahloa 'me a nyatse ba bang haholo ka liposo tse nyenyane, athe bona (baikaketsi) ba na le melato e mehelo. Ba potlakela ho fumana kapa ho bona lehlokoana leihlong la ngoan'abo bona empa ba sa hlokomele tšiea e leihlong la bona. *Matt. 7:5*. Ba rata haholo litšebetso tse bonoang ke batho tsa kereke le ho boloka mekhoha ea khale ea tlhao, empa ha ba rate borapeli ba 'nete ba Molimo. *Matt. 15:2, 7, 8, 9*. Moikaketsi o rata thapelo e telele pontšeng ea sechaba, empa ha a na kopano le Molimo ka thapelo sephiring.

Sebe sa boikaketsi se phekoheha ka thata hobane sea ipata ka bohlale ponahalang ea litšebetso tsa kereke. Hape sebe sena se etsa hore batho be kantle le bahetene ba hloee borapeli le ho hloea boikaketsi ka pelo eohle. Moprofeta Esaia o re: "Ke mang har'a rona ea tla tiea, a eme pel'a mollo o chesang? Ke mang ea tla tiea, a eme pel'a malakabe a sa timeng? E tla ba ea tsamaeang tseleng ea ho loka, ea bolelang ka ho loka." *Esaia 33:14-17*. "Me mollo o tla leka mosebetsi oa e mong le e mong hoba o joang. Ho malimabe Moikaketsi hobane o aha ka lehola, patsi le litlhaka e leng tse tla chesoa mohla letsatsi la kahlolo." *1 Ba-Kor. 3:12-15*. Jesu o itse: "Le tšabe litomoso tsa Bafarisi e leng boikaketsi. Hobane ha ho letho le koahetsoeng le sa tlo ka le koaholloa, leha e



Etsoe e le ba khopo le ba bolotsana kaofela ha bona
Esaia 9:17

le ntho e patiloeng e sa tlo ka e tsejoa.” *Luka 12:1-3*. Khaolo eohle ea *Mattheu 23* e ngoletsoe ho re khalemela ka sebe sa boikaketsi. Jesu o ile a laea a ba a khalemela Bangoli le Bafarisi ka lebaka la boikaketsi ba bona. O ile a ba bitsa linoha le malinyane a marabe 'me a re, “Ho malimabe lone Bangoli le Bafarisi baikaketsi! Hobane le hlatsoa mohope le sejana kantle, athe kahare ho tletse bosholu le ho senya. Hlatsoa mohope le sejana ka hare ho tsona pele, bokantle bo tsona bo tle bo hloeke le bona. Ho malimabe lona bangoli le bafarisi, baikaketsi, hobane le joaleka mabitla a koetlisitsoeng, a nang le ponahalo e ntle kantle, kanthebo, kahare a tletse masapo a bafu le ho bola hohle. Le lona ho batho ba le talimang kantle, ho joalo ka ha e ka le lokile, athe ka hare ho lona le tletse boikaketsi le bokhopo.” *Matt. 23:26-28*.

Matsatsing a qetello batho ba tla furalla 'nete 'me ba tla latela meea e thetsang le litsela tsa diabolose, ba buoe mashano le boikaketsi, *1 Timothea 4:3*, *2 Timothea 4:5*. Bao ba ke ke ba phonyoha kotlo ea lihele.

PHOLOHO

Re ka pholoha joang chefong ee ea lefu la boikaketsi? Ntho ea pele ke ho lumella Molimo, ka Moea o Halalelang le ka Lentsoe la 'ona ho re hlokofatsa moo e bang moea oa boikaketsi o ile oa re

U SEKE UA BA 'MANKHANE

'Mankhane o talimeha e ka nonyana empa e se nonyana. O talimeha e ka ke toebe empa ha se toebe. Hase nonyana, hase toebe. O rata lefifi ho feta leseli. Ke setšoantšo sa ba bangata ba bitsoang Bakreste ba kajeno ba eang kerekeng ka Sontaha, e be joale matsatsi a mang a beke ba ikela litantsing libaeskopong, ba ea noa ba etsa libe tsohle tsa lefatše. Ka letsatsi le leng be iketsa e ka ke Bakreste, ka le leng ba tsoana le baetsalibe ba lefatše lena le batho ba sa lumelang. Ba talimeha e ka ke Bakreste, empa lipelong tsa bona ba ntse ba khomaretse linthong tsa khale tsa batho ba sa lumelang, ba lumellana le Diabolosi, eo e leng molimo oa lefatše lena, 'me ba etsa libe tsa mefuta eohle. Ba leka ho sebeletsa Molimo le Satane. Ba tsoana le 'mankhane, ha ba tseleng ena kapa eane, hape ba rata lefifi ho feta

kena. Pako ea 'nete le boinyatso ba sebele ho Molimo, 'me moo e bang ho ea hlokahala le pel'a batho, ke eona tšimoloho ea pholoho sebeng se keneng hare methapong ea batho. Re lokela ho eelloa hantle hore bohloeki ba leihlo le bonang hohle la Molimo le ka bona sebe sefe le sefe hohle moo se ka bang teng. Re ka ipata mahlong a batho, re ka ithetsa, empa re ke ke ra ipata kapa ra thetsa Molimo. O tseba maikutlo le merero ea lipelo tsa rona 'me tsebe ea Molimo e ka utloa tsohle tse ka buuoang sephiring. E ka khona re hopole hore maikutlo afe le afe a hlaha leholimong. Re ke ke ra a pata pel'a mahlo a Molimo. Ha ho letho le patiloeng le ke keng la koaholloa, 'me ha ho letho le patiloeng le ke keng la tsejoa. Tšepo ea moikaketsi e ke ke ea timela, hobane moikaketsi a ke ke a ema pel'a Molimo. Tšepo ea moikaketsi ke efe ka nako eo Molimo o nkang moea oa hae? Na Molimo o tla utloa selo sa hae ha joale a tleloa ke lillo? “Sehlabelo se ratoang ke Molimo ke Moea o robehileng.” *Lipesalema 51:17*. Ka tsela e joalo u ka fumana poloko ka pako e tletseng boikokobetso le ka boinyatso ho Molimo le ho furalla bophelo ba boikaketsi e be u phela bophelo ba Bokreste ba 'nete boo ho bona ho bonoang litholoana tsa pako e leng litholoana tsa Moea o Halalelang.



leseli. U se ke ua ba 'mankhane. E ba Mokreste oa sebele, “holane ua bata, kapa ua çhesa.” Molimo o re, “E re ka ha u le fofo, u sa bate u sa chese, ke tla u hlatsa molomong oa ka.” *Tšenolo 3:15, 16*.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For free Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)